

**Nd.**

**48. Frumvarp**

til laga um varadómara i hinum konunglega islenska landsyfírrjetti.

Flutningsmenn: Bjarni Jónsson frá Vogi og Sveinn Björnsson.

1. gr.

Prófessorarnir í lagadeild Háskóla Íslands eru sjálfkjörnir varadómarar í landsyfírrjettinum, hvort sem heldur losnar þar sæti, dómarí forfallast um stundarsakir eða víkur úr dómarasæti.

## 2. gr.

Nú losnar sæti í landsyfírrjettinum, dómari víkur úr sæti eða forfallast, og tekur þá dómstjóri eða sá, er veitir dómi forstöðu í hans stað, einn prófessoranna með hlutkesti í rjettinn. Ef enginn hinna reglulegu yfirdómara skipar sæti sitt, þá ganga 3 prófessorar lagadeildarinnar í rjettinn.

## 3. gr.

Sá af prófessorunum, sem hverju sinni verður kjörinn í dóminn, tekur hið auða sæti. Nú eru fleiri sæti auð en eitt, og fleiri prófessorar kjörnir í einu en einn, og taka þeir sæti í dóminum eftir embættisaldri.

## 4. gr.

Nú losnar sæti í landsyfírrjettinum, og tekur þá varadómari helming launa þeirra, er því sæti fylgja, þar til skipað er í embættið.

Ef dómari forfallast eða víkur sæti, fær varadómari 10 krónur fyrir hvert rjettarhald og 30 kr. þar að auki, ef hann tekur þátt í dómsuppkvaðningu í máli. Þá er varadómari gegnir störfum yfirdómara, án þess að hann sje forfallaður, greiðir yfirdómari þóknunina. Ella greiðist hún úr landsjóði.

## 5. gr.

Ef eigi er unt að taka varadómara úr lagadeild Háskólans, setur landsstjórnin dómara í hið auða sæti.

## 6. gr.

2. málsg. 6. gr. í tilsk. 11. júlí 1800 er úr gildi numin með lögum þessum.